

悔堂文集

附錄
孝友錄
以狀
拾遺
墓誌墓表
續三綱以錄

中韶誌
祭墓文
奉安常享祝文
上樛文

앞표지 뒷면

悔堂先生文集卷之三目錄

附錄

孝友錄

行狀

拾遺

墓誌

墓表

續三綱行實

聞韶誌

祭墓文



藏待書院奉安文

常享祝文

風詠樓上樑文

尼山舊院廟宇上樑文

悔堂先生文集卷之三

附錄

孝友錄

君姓申諱元祿字季綏自號梅堂本貫鵝洲
高麗金羅道按廉使諱祐之六世孫也按廉
公處昏濁之世以廉潔自勵遭考版圖判書
諱允濡喪廬墓泣血三年有二竹生于墓前
當時以爲至孝攸感事 聞茲閭具載麗史
及三綱行實輿地誌等書按廉公生諱光富
中顯大夫內府令令生諱士廉通德郎彥陽

縣監卽我高祖也曾祖諱錫命成均生員祖
諱俊禎從仕郎教授考諱壽隱居求志累徵
不就教導後進有士林重望妣義興朴氏曾
祖諱良成均進士祖諱惟昌通政大夫咸安
郡守考諱自儉承議郎主簿君幼而聰穎志
操耿介惇行孝弟不由勉強昔我先君素嬰
風疾歲丙戌添寒粹砒藥餌蔑效時君年纔
十一登八公山手自採藥從良醫劑進證勢
賴以稍降旋又彌畱不輟湯鑪君日夜焦煎
目不交睫衣不解帶者凡八年癸巳仲春奄

遭終天之痛叫叩皇皇絕而復甦八則善辭
慰母氏出必號哭於凡筵十一月己酉葬于
八智山乾向之原廬墓三年執禮過苦仍構
齋舍於山下以爲終身孺慕之所乙未春服
闋戊戌承母氏命遊太學閱歲而還自是慨
然有求道之志研精覃思力學不怠己亥秋
與余赴漢城試還途余講瘡未克前君艱關
扶護至天民川秋水正漲人言此水有毒蟒
害人不可徒涉君不爲動背負以濟卒無事
庚子春君娶星山李氏秉節校尉智源之女

耕隱先生正言諱孟專之曾孫女亦有至性
克配君子辛丑壬寅連歲荒饑家累送送缺
食而君與夫人服勤營辦以供親旨滫瀡之
味未嘗匱乏癸卯冬慎齋周先生知豐基郡
事始建書院于竹溪士子全集君贄文往謁
先生以客禮遇之畱數日出有朋自遠方來
不亦樂乎論題以試諸生君遂製進先生見
而異之批其尾曰我院有人其心如王天將
王汝申其祥矣凡有問難等底說去先生每
以德器稱之因語以言行相顧之實東方道

學之緒亶亶不倦辭歸之日又贈一絕曰爲
學師原水論交取兕觥相規惟十字庶悉百
年情其眷重也如是及還謂余曰豐川之有
書院乃是盛事吾鄉獨無藏修之地乎爲之
歎慕不已乙巳 仁廟昇遐君深自悲慟時
人只舉義服之制而獨以素餐終三年人或
有問之者但曰我有功總之服不令人知之
是年春君遭婦翁李公喪棺槨祭奠之具奔
走經紀備盡其情禮丁未春姊婿朴君桂樹
橫罹縲綫之厄君匹馬赴愬于方伯以直其

寃後朴君歿歛藏諸節躬自擔當又收其四
女一男而育之教誨嫁娶使不失時戊申春
余避癘在八公山房因染幾死君亟來救護
至廢寢食首尾數十日余病得差君亦無恙
秋蒞業儒齋講定完議君蚤有顯親之志講
究之暇兼治程文屢舉於鄉而省闈輒報罷
至是乃歎曰光陰易邁立揚無期慈闈年深
甘旨不稱古人云家貧親老不為祿仕一不
孝也吾將冒恥笑赴訓學以遂負米之情辛
亥春除湖南長水學君黽勉就職多有課學

成材之功時致日餽之餘以資親養癸丑歲
大侵餓莩相枕君爲之恫憫傷惻邑宰委以
分賑之任君曰同胞顛連一至於此其可不
盡心焉乎於是隨便經畫竭誠撫哺闔境得
以全活鄰邑亦賴之甲寅秋聞周先生易簣
溘以未及卒葉爲恨奔往哭之仍服心喪之
制君自竹溪歸後有營建書院之志與鄉人
同志設施措畫已有年丁巳秋卜地于長川
之上先立正堂十餘架因時不利未及訖功
庚申與柳義興希潛修定鄉約節目春秋勸



懲如儀又與遠近宗族修禊事以備吉凶之用每月朔會宗堂謁廟展親仍講敦睦勸學之義甲子除清道學丙寅又除三嘉學凡前後赴學皆爲親屈也嘗書壁上曰負重涉遠不擇地而休家貧親老不擇祿而仕此子路之言三復以還不覺流涕旣而又書壁上曰古人一日養不以三公換遂棄學而歸專以定省溫清爲職身未嘗遠離戊辰秋與同志謀曰書院之設蓋將爲興學育材而始事十年迄未就緒豈吾輩當日經紀之本意乎遂

告于邑宰專自句管晨夜展力歲再周畢功
於是依白雲洞院規擇鄉人才學俊秀者入
齋肄業日與之講說經旨勤劬不怠後又立
祠廟于院中以鄉先正金慕齋文敬公享焉
呈書方伯轉 聞于朝賜額長川其羽翼斯
文勉進後學之功多類此時親年已九十君
益切喜懼之情凡可以慰悅親心者無所不
用其極嘗搆養老堂於東臬雜植奇花異草
每於佳辰令節作宴親曲八闕歌以獻酌盡
愛日之至誠叙天倫之樂事因口占一絕曰

愁裏生涯莫怨嗟吾門一樂最堪誇七旬兄
弟斑衣處百歲慈親有幾家凡事親以養志
爲先在側和氣滿容未嘗少忤其意進食必
具二品擇美味而進之請所與而與之親所
着褻衣嘗置小槽必手澣然後付之人便旋
之器亦必躬自除穢不使人爲之是年多親
齊轉劇君日夜飲泣顛天牀褥少不安帖則
重茵累席藉以白絮柔毛滑腴之物以便其
坐卧又悶其皮膚糜爛裹衣抱侍日復益勤
母氏曰我不遑死使汝勞苦誰知汝之若此

乎君惕然曰是固子職母氏何出此言也雖
千秋萬歲猶爲不足有向勞焉乙亥春親瘳
少間朴氏姊來侍疾將告歸君曰慈候稍歇
姊亦臨歸值此令節可不慰親之心乎於是
設席于東臬奉母氏携兄姊且邀鄰里老嫗
具酒食以相娛忽有一老媪不知自何來狂
歌胡舞作俳優戲母氏爲之一笑君心欣然
如有所得遂成終日之歡時值 國恤人有
議之者君聞之曰日迫西山餘景苦短是以
知過而犯之耳未幾親瘳復旣君嘗糞以知

其殆祈天請代者屢至六月十一日未時奄
忽棄養嗚呼尚忍言哉君已過不毀之年而
攀擗號哭如前喪時送終之節素講于心附
身附棺必誠必慎無憾於情禮十月甲申合
窆于先府君墓營壙之際君躬自執役余慮
其致傷諭之曰凡爲人子者當此大事孰不
欲竭力爲之而誠有所不堪且役夫在何勞
苦乃爾君答曰固所自盡不爲勞也旣葬居
于廬所日三上墓環繞哀號雨雪不廢嘗作
母氏影幀揭之几筵朝夕哭拜以寓如在之

誠祭奠之需皆自具不委之人曰糲食糜飲
不近菜鹹幾周年以此瘠立殆不能支子弟
請進草木之滋君蹙然曰毀不滅性古人所
戒吾豈不自量而爲之乎又泣諫則曰命稟
於有生之初豈以此致死乎至翌年三月重
添瘡證日漸危劇猶不廢拜奠之禮自四月
初貼塊不能起居淡以不得與祭爲慟至初
七日乃曰明日是觀燈令節不可無別奠命
取薔薇花來將扶起盥漱昏仆于地子弟泣
請歸家調護君曰喪人死於墓側可矣何事

于家夫人來省君揮手却之曰廬所非婦人所至何以來爲問後事不答但曰我平生事親有未盡今又不得終制以是爲憾欲哭而不能因嗚咽曰我死之後以母氏影幘揭我棺傍我將奉侍于泉壤之下以八日酉時乃逝是日命取紙筆書遺誡數條皆纖悉精當無少差誤其精神不爽如此仍促夕奠于几筵余承其意而祭之未及撤舉家號哭奔往視之已無及矣嗚呼痛哉傳曰仁者必得其壽又曰爲善者天報之以福以吾弟之仁善

不得享遐齡膺景福又不得持喪終制抱千古不瞑之慟天之所以報施者胡至於此極耶嗚呼人生天地孰無稟賦之良性人子事親孰非職分之當爲而鮮有能全其固有之性而盡其當行之職者君自爲兒時已知愛親之道所以生事而葬祭者靡不曲盡情禮六十年如一日而切切孺慕之慟猶不自已於臨絕之際君眞所謂出天之孝而能盡人子之職者矣平居不爲崖岸斬絕之行而只就日用彝倫上盡其所當爲者處兄弟友愛

篤至接宗族恩義周洽待朋友必以誠信教子弟必以義方下至婢僕賤隸亦皆嘉其小善而略其細過所以待之者甚恕以忠且其處心行己之方待人接物之誠周窮恤貧之義無不渾然平實初無待於勉強修爲而原其所自皆從孝弟中推出茲豈非所謂本立而道生者乎自少出入諸先正之門所與遊盡一時名勝相與證其所疑而尤用力於心經近忠錄朱子書等書潛心體驗不事口耳堅厲刻苦俛焉孜孜不知年歲之晚暮卒能

成就其德器而又以敦倫興學爲己任設鄉約以扶世教創書院以翼斯文獎厲之功已著於訓學之日仁愛之念至發於賑濟之場此則不徒出於天分之美而其有得於學問之力者爲如何哉君之孝友德行著人耳目閭里稱焉鄉黨服焉固不必待余之私自贊揚至於家庭間微細之行有非他人所及知而非文無以徵之故輒不揆耄拙姑以平日所嘗觀驗於家間者泣而錄之以備後孫貽謨之資幸勿以辭不達意爲嫌取其至行懿

生人以爲孝感今尚州丹密縣有孝子碑尸
祝之所丹密至今號多孝子按廉之後世以
至行著聞詩所謂孝子不匱永錫爾類者其
斯之謂歟六世而至悔堂先生公諱元祿字
季綏悔堂其號也按廉之子曰光富中顯大
夫內府令其後有彥陽縣監士廉成均生員
錫命教授俊禎是爲公高祖曾祖祖父壽隱
居不仕教誨後進爲士林望母義興朴氏主
簿自儉之女郡守惟昌孫也公以 正德丙
子十二月癸亥生幼聰穎耿介孝友出於天

性先公早嬰奇疾公十餘歲爲覓藥上八公
山崎嶇數百里從醫劑藥日湯進夜不交目
衣帶不解者蓋八年而先公疾不瘳公哭之
皇皇焉如有可救之道而終莫之救者卜葬
八智山民多居其下公至誠感其心得八葬
已廬其側三年泣血有少連之稱二十五取
星山李氏正言耕隱先生孟專之曾孫女以
爲配亦有至性當饑夫婦服勤供菽水惟謹
旣累舉不中歎曰光陰晼晚而立揚無期古
人以親老而不爲祿仕爲不孝某赴一縣學

官途負米願者雖受人嗤笑不辭也未幾除
長水縣學以日餼之餘爲養後除三嘉清道
學嘗書壁上曰負重涉遠不擇地而休家貧
親老不擇祿而仕蓋有仲氏之感焉旣而以
親病辭復書壁上曰古人一日養不以三公
換公之事親以養志爲先其進食常具二品
擇其味美者以進有餘請所欲與與之爲小
槽將親褻衣手澣濯以付人僂旋之器自除
漑不使之人也凡可以慰悅親心者盡力致
之有得親一歡者必厚謝之嘗雜植奇花異

草每於佳辰令節供具燕樂作宴親曲八闋以道愛日之誠又口占一絕在遺稿甲戌冬母夫人病日臻公日夜籲天其坐卧牀褥少不安必重累之藉以白絮柔毛凡滑腴之物已復不復坐臥則自厚衣抱侍日益謹母夫入曰我不過死而勞苦汝爲公怵然曰是何言也雖千萬歲猶恐不足焉至明年春疾少間姊視疾將還公曰親瘠少安姊氏歸又此令節可以慰悅意矣設席于東臬奉母夫人同兄弟邀鄰里老嫗以盡歡時 國恤人有

言公曰親日已索恐不及見明年此日也既而母夫人疾益彌公嘗糞知其已殆仰天號咽及大故則所以哭之如哭先公不知百歲之爲長其附身附棺若素辦者無毫髮恨耐葬先公躬執其役伯氏止之曰有役夫矣公曰固所自盡非所勞也旣封廬焉嘗作母夫人影幘揭之几筵朝夕悲號日三省莫哀哭不辟雨雪祭食之供躬自具日糲食糜飲不近菜醬轉益柴毀子弟泣諫則曰命稟於有生之初脩短不以此也丙子三月被疾猶不

廢拜奠既劇悲不能與祭至觀燈節令取薺
薇花供具將自奠扶起盥洗而病已革子弟
請調攝于家不可夫人來願然曰婦人何爲
至此問後事不答但曰我之事親有未至者
而又不能終孝欲哭而不能舉嗚咽曰以母
氏影幘揭我棺傍我將奉侍泉下矣促家人
上食未卒而終嗚呼孝子事親不自知其足
雖或過於禮而不自以爲過其心無窮也公
幼齡侍疾弱冠遭喪血氣未定之日而所以
卹卹遑遑救生而送終者足令頑子感動而

及其耆莫血氣旣衰之後而凡其色養而孺
慕者終身而愈切孟子曰五十而慕者予於
大舜見之矣若公至矣不可以不終喪比而
論之也公有一兄事之如溫公之伯康嘗同
赴漢城試及歸而伯氏病薄天民川秋水方
漲人言有毒蟒害人不可徒涉公負而濟卒
無事伯氏嘗辟癘公山因染幾殆公竭誠馳
救瘡與歸其女子嫁自資具不貽勞伯氏姊
壻橫罹在獄爲奔走力愬直其寃其歿經紀
喪葬嫁女娶子俾不失時外舅亾庀棺槨以

葬凡親戚養送之需及義所當爲者必自誠
腆忘其力之不給而爲之也君師之喪爲心
喪食素三年乙巳 國恤時慎齋周公之喪
皆然凡其篤於人倫如此初以母夫人命遊
太學篤志研精講究不怠慎齋之守豐川首
立白雲洞書院教育人材巾袍全集公贄文
求教慎齋待以客禮畱數日出論題試諸生
得公作異之批其尾曰我院有人其心如玉
天將玉汝申其祿矣迺語東方道學之緒而
規以言行相顧之實豐豐不倦踰年而歸慎

齋贈一絕曰爲學師原水論交取兕觥相規
惟十字庶悉百年情其所惓惓者深矣公歸
語伯氏曰吾東書院發自竹溪甚盛舉也吾
鄉盍做此爲藏修地乎乃得地長川上倡建
書院時屈未就戊辰與同志聞于邑宰以竣
其役歷數載而成立廟享鄉先正金慕齋先
生事聞 賜額長川公之興學育才以羽翼
斯文乃其素所蓄也至於業儒齋之剏立鄉
約之立規族稷之修睦無非所以敦倫正俗
而成就後學也若夫賑塲之志則又見公不

以任微事煩而盡其撫哺之方亦仁民濟物之本心也公平居刻意問學凡經書洛建家語沈潛淹貫專心體驗以見於日用行事之間其事親從兄立心制行待人接物教子訓入一循乎常行之則初無待於勉強修爲而自能暗合乎道至於尋常筆札亦皆端嚴有法可見公性情之一端也嗚呼孝者百行之源有若以孝悌爲爲仁之本本立而道生以公平日之所行者詎不信然歟世傳公之孝行無愧按廉公昊天曰明及爾出王公之子

孫空其蕃昌也公卒在 萬曆丙子四月八日辛未得年六十一夫人父智源秉節校尉祖瑞通禮門通贊夫人柔婉淑慎承順無違事姑三十五年如公志焉家貧無戚容施與於人無難也歿于 萬曆癸巳與公同穴實八智山先公塋下冥坐之原男二人長心司憲府監察次佺 贈左承旨監察有五男一女男尚道判官泳道志道敏道師道女察訪李挺南承旨有三男三女男適道祥雲道察訪達道弘文館修撰悅道司諫院司諫女士

人金有曄奉事任乃重僉正朴宗敬曾孫以
下不可勝錄癸卯鄉人以公孝行聞于方伯
以啓 命復戶乙卯 命旌閭 贈通政大
夫戶曹參議載公三綱行實 肅廟乙丑士
林合享藏待院祠公之志行公伯氏參奉元
福撰孝友錄鶴峯金先生題一絕云從遊三
十載不識有參乎今見難兄狀如公志行無
無以復加矣今年士林將刊公遺稿以公之
至行懿德不可以無狀公之七世孫龍起以
諸父兄之意來告於光庭光庭老無識又去

公百有餘歲其平生蓋有不得而詳者以昔
從龍起大父上舍濂氏知公至行遺範尚猶
在子孫矣又所編孝友錄言詢而事賅訥齋
崔公現爲墓誌乃謂人不間於其言崔公猶
及公平生以是稱之則其言實後世之所傳
信也又奚以狀爲哉旣辭之不得則乃就其
錄悉次其語而附以葬墓子孫之錄以塞慈
孫遠逮之意非敢以是爲足以備採擇也後
之君子或垂恕於斯焉

上之十五年己未孟冬朔日後學平原李光庭

謹狀

拾遺

先生事母至孝嘗舂薪于野以供親厨有
老窳解所負柴以進先生辭以非其力遂
強與之因忽不見

先生配李氏亦事姑孝姑年高無齒李氏
日親乳其姑嘗欲織絲爲褥有美妹自何
至織盡一段而去

右二條出外裔孫李象靖家象靖祖
母卽先生玄孫其得於傳聞者如此

今姑附見于此李大山先生手錄

墓誌

公姓申諱元祿字季綏號悔堂鵝洲人六世
祖諱祐仕麗季爲全羅道按廉使時丁昏濁
獨持廉潔以孝行旌其門歷內府令諱尤富
彥陽縣監諱士廉至成均生員諱錫命是公
曾祖祖諱俊禎承仕郎教授考諱壽隱居不
仕有士林重望妣義興朴氏咸安郡守惟昌
之孫承議郎主簿自儉之女公幼而聰穎志
操耿介敦行孝弟不由勉強先公早嬰風漸

醫治不效公年十餘歲登八公山採藥從良醫劑之日夜湯進目不交睫衣不解帶者八年癸巳春公年十八而遭憂哀有過而禮無愆自殯至葬凡所以附於親者盡其誠信廬于墓側泣血三年人稱善居喪戊戌承慈教遊國學自是研精篤志講習不怠嘗與伯氏同屈於漢城發解還途伯氏邁瘡未克前路至天民川秋水方漲人言此水有毒螾害人不可徒涉公負兄乃克濟癸卯冬聞豐基守周慎齋世鵬始建竹溪書院士子全集公贊

文往謁慎齋出論題試院生批公所製文曰
我院有人其心如王天將王汝申其祥矣自
是以德器許之因告以言行相顧之實東方
道學之緒塵重怠倦辭歸之日贈一絕云爲
學師原水論交取兕觥相規惟十字庶悉百
年情其眷重也如是而公亦佩服終身焉乙
巳遭 仁廟國恤時人只舉義服之制公獨
以素餐終三年人或問答以功總之服不
令人知辛亥春公歎曰光陰易邁立揚無期
慈闈年深甘旨不稱古人稱家貧親老不爲

祿仕一不孝也吾將冒恥笑赴訓學以遂負
米之情米幾除湖南長水學以資養焉癸丑
荒政方棘邑宰委公賑恤之任公曰此乃濟
人之事豈敢規避竭誠措置民賴以存活甲
寅聞周慎齋易簣奔往哭之心喪三年公之
自竹溪還也謂伯氏曰豐川之有書院乃是
盛事吾鄉獨無藏修之所乎遂約同志營建
書院卜地于長川之上創建十餘間因時不
利而止至戊辰秋告于邑宰專任其事晨夜
殫力歲再周畢功立祠廟以鄉先正金慕齋

奉安方伯 啓聞賜額長川其篤於校塾之
事勉進後學以衛斯文乃公素志也庚申與
同鄉姓族結約修契講信親睦又與柳義與
希潛議立鄉約春秋講禮伯氏嫁女勤辦資
粧使不費力於主家姊夫喪葬獨當營辦其
四女一男親自擇人婚嫁使不失時凡遇窮
於婚喪類如是嘗書壁上曰負重者遠不擇
地而休家貧親老不擇祿而仕知公前後除
學皆爲親屈也及其親齡益衰專以定省自
任未嘗遠遊凡可以慰悅親心者無不致意

嘗雜植奇花異草每於佳辰令節陪親邀兄
作宴親曲八闋歌以獻酌盡愛日之誠叙天
倫之樂因口占一絕曰愁裏生涯莫怨嗟吾
門一樂最堪誇七旬兄弟斑衣處百歲慈親
有幾家時親年九十餘矣親之所厚者必厚
其人進食必具二品擇其美味而進之請其
所與而與之所著褻衣常作小槽必手澣然
後付人便旋之器亦必躬自除穢不使之人
母病轉劇遑遑晝夜牀褥少不安穩則重茵
累席或藉以白絮柔毛務安其體閱其皮膚

糜爛褰衣抱坐日復益謹母曰我不過死使
汝勞苦誰知汝之至此哉公悚然曰固所子
職是何言也雖千萬歲猶爲不足有何勞焉
乙亥親病日篤嘗糞以驗之飲泣籲天食不
下咽及其終天也不以百歲爲長而以棄養
之促爲無窮之痛送終之事素講心上家雖
貧乏辦若預搆不及於兄弟務合於禮制無
有遺憾供奠之具躬執其勞不食菜醬惟糜
粥糲飯而已嘗作慈母影幀至是揭之几筵
上朝夕哭拜以致如在之誠日三省墓環繞

哀痛雨雪不廢子弟泣諫卽曰命稟於有生之初豈以此致死乎丙子三月得疾彌留哭奠之禮猶不少廢至四月初七日乃曰明日是觀燈令節可設別奠命取薔薇花來因扶起盥漱病旋大作已不可爲丙子來省顰顙曰廬所非婦人所至何以來爲問後事不答但云以母氏遺像揭我棺傍吾將奉侍於泉下矣至八日酉時乃逝嗚呼人生天地間孰無稟賦之良性孰非職分之當爲而鮮有全其孝弟之行者公稟質旣異於人而早知踐

履之學既孝既友老而彌篤不爲崖岸嶄絕
之行只就日用間盡其所當行者而其處心
行己之正待人接物之誠教子以義方訓人
以遜悌存諸中者仁發於外者恕堅苦篤行
之志孜孜焉惟日不足是其天資洵美自然
合道初豈待乎勉強修爲之力哉顧今知德
者鮮而名不顯於世然人之知不知於公何
損况孝弟百行之源也公能力行於人所不
知之處克紹按廉公之芳躅以立家範君子
多能乎哉此可爲則於後世也公生于 正

德丙子十二月癸亥歿于 萬曆丙子四月
辛未春秋周甲六月某日葬于八智山先塋
下與坐之原配星山李氏大提學堅幹之後
司諫院正言孟專之曾孫女也祖通德郎通
禮門通贊諱瑞考秉節校尉諱智源與公同
年生柔婉淑慎承公之志家貧無戚容施與
無難色事姑三十五年孝心亦純至矣歿于
萬曆癸巳合塋公墓後 贈公通政大夫
戶曹參議夫人亦 贈淑夫人生二男長曰
心司憲府監察次曰侂 贈通政大夫承政

院左承旨監察生五男一女長尚道判官女
適察訪李挺南次泳道志道敏道師道承旨
生三男三女長適道祥雲道察訪次達道弘
文館修撰次悅道兵曹正郎并登蓮桂不墜
前訓女長適士人金有曄次適奉事任乃重
次適僉正朴宗敬曾孫男女四十餘人噫天
將以是爲報邪李氏卽我從母也公之懿行
旣知之詳矣且得伯氏所撰家狀無一字溢
美所謂父母昆弟之言人無間然矣遂略加
增剔因以爲誌

恒堂集
崇禎乙亥十一月日通政大夫前守江原道觀
察使兵馬水軍節度使兼巡察使崔覲謹識

墓表

公諱元祿字季綏號悔堂鵝洲人高麗時有
版圖判書諱允濡以清直名生按廉使諱祐
以孝旋間於公間七世曾祖諱錫命成均生
員祖諱俊禎從仕郎教授考諱壽隱居求志
累徵不起慎齋先生誌其墓妣義興朴氏郡
守惟昌之孫主簿自儉之女公幼聰穎耿介
孝友出天性先府君嬰疾公年十一上八公

山採藥從良醫劑進不解衣枕爐而曙者八年及喪戚易備至廬墓以終制事母夫人左右無違志嘗構養老堂日以定省溫清爲職作宴親曲八闕每令節歌以獻酌時親年九十餘所以將順奉養者靡不用極褻衣服必手澣僂旋之器亦自滌不委人母夫人寢疾公夙夜遑遑重茵藉白絮柔毛以僂坐臥猶慮其不僂裏衣抱侍日益謹母夫人憫其勞苦公悚然曰子職固然嘗糞以驗夜輒仰天祈號竟遭變公年已過不毀擗踊如前喪時

嘗慕母夫人影揭几筵朝夕哭拜惟糲食糜
飲菜鹹不入口幾周年以此瘠立子弟請進
薑桂滋曰毀不滅性古人有戒吾豈無自量
乎至是疾革夫人來揮却曰婦人焉得近廬
所問家事不答但曰我不孝不得終制以母
氏影揭我棺傍我將奉侍泉下公自少遊慎
齋退陶南冥三先生門聞爲學大方又與趙
月川朴嘯臬黃錦溪諸賢結道義交以資麗
澤之益慎齋嘗守豐基創紹修書院公贊謁
焉慎齋見公所製論批曰我院有人其心如

玉天將玉汝申其祿矣因語以言行相顧之
實東方道學之緒臨別又贈詩勗之其眷重
也如此公旣抱道不售於世慨然有敦倫興
學之志修鄉約遵陶山之規創書院倣紹修
之制又與宗族修契事設月會講信敦睦有
古韋家之遺意嘗三赴訓學爲親屈也所至
成就者衆蓋公生有美質又親有道篤志力
學以成其德平居不爲崖異之行而只就日
用彝倫上盡其已分事兄姊友愛篤至伯氏
嘗在公山遘癘馳進救護瘡與歸姊早寡無

依叔育其子女嫁娶不失時外舅凶庀棺槨
盡情禮凡係周窮濟急之義所當爲者雖傾
匱不顧也教子弟規模謹嚴處宗族恩義周
洽御家衆接鄉鄰皆以誠信待之以至一言
一行渾然平實無勉強修爲之意學問之力
雖不可誣而原其所自本之事親以誠茲豈
非所謂本立而道生者乎乙巳 國恤食素
三年師門之喪亦心喪加麻公生于 正德
丙子十二月癸亥歿于 萬曆丙子四月八
日配星山李氏正言耕隱先生孟專曾孫秉

節校尉智源女少公一歲歿于 萬曆癸巳
三月十八日合塋于義城八智山先塋下縣
人以公孝友德學轉達于 朝旌問 贈戶
曹參議奉安藏待書院生二男長曰仙監察
次仵 贈左承旨監察生五男一女長尚道
判官女適察訪李挺南次泳道志道敏道師
道承旨生三男三女長適道察訪次達道修
撰 贈都承旨卽我曾祖考次悅道司諫女
長適金有燁次適奉事任乃重次適僉正朴
宗敬內外曾玄以下不能盡錄年代寢遠家

世零晉溪恐懿德之終泯且慮邱壠之莫辨
諸孫合議伐石以表墓謹考崔訥齋覲所撰
誌文及家藏孝友錄師友錄等書撮其大槩
而刻之

上之三十二年乙酉三月日五代孫進士德涵
謹記并書

續三綱行實

訓導申元祿義城縣人高麗孝子申祐之後
也十一歲父病登山採藥從醫劑進目不交
睫衣不解帶至八年不怠遭憂廬墓養偏親

四十年務悅其心作宴親曲八闋母病嘗糞
及歿哀痛無節日三上墓嘗摹母像揭之几
筵朝夕哭拜又曰我死後以母像揭于棺傍
我當奉侍于泉下 仁廟國恤素餐三年其
師周世鵬卒亦心喪三年今 上朝旌門

聞韶誌

申元祿高麗孝子祐後號悔堂從遊李滉周
世鵬門溪得爲己之學性至孝甫十一歲父
病登山採藥從醫劑進及喪廬墓終制事母
務得歡心嘗作宴親曲八闋以盡愛日之誠

水石不之
及歿又廬墓哀毀成疾而卒 嘉靖乙巳遭
國恤獨以素餐終三年師門之喪亦心喪
三年吊服加麻事載續三綱行實 朝廷命
旌間 贈戶曹參議有遺集行于世享藏待
書院

祭墓文

知縣安應昌

按廉遠胄處士胤子夙佩庭訓早述先志敦
百行源趾乃家美黔婁奉疾高子執喪晚揭
慈真寓如在誠臨水遇毒負伯涉川本孝以
悌公何勉焉方喪盡制食素三年移孝爲忠

公所自然昏喪需用宗族咸資皆孝之推公
則安之聞風起敬庸冀菲薄不昧者存庶幾
歆格

藏待書院奉安文

李玄逸

至性天全不待勉強事生之節送終之誠人
無間然可也參孝本旣立矣隨事逢源行悖
于家善推於外乍就微祿負米之心竭誠賑
飢濟人之惠輒贊文往謁慎齋之門屢蒙賞嗟
許以德器研精篤學言行相符飽德來歸佩
服終始閱我後學無處藏修慤斯勤斯岸塾

之事勗勗後進以衛斯文遺澤在人百歲如
昨沒世愈久仰德滋淡睠彼崇阿有儼廟貌
日辰之吉予以妥靈青衿昂來遵豆有楚千
秋無替歆我馨香

常享祝文

李惟樟

心存孝弟學務踐實素裏相符無憾存歿

風詠樓上樑文

洪萬朝

一鄉有所矜式既設俎豆之儀多士得以依
歸載新樓觀之制道其不墜仰之彌高顧茲
妥靈之遺祠寔出象賢之美意有若悔堂梧

峯之學問孝友同出乎名家亦越松隱敬亭
之踐履文章併稱於前代流風猶在宛然桑
梓之連陰後學追思允矣苾苾之齊饗惟其
礪俗之道有賴於斯庶幾肄業之徒爰得其
所第綠儒林之力詘尚闕書樓之踵成登茲
遠望旣之觀物之具八此羣處安得庇士之
歡衿紳合謀而同聲般倓趨事而殫技山腰
陡絕半割交翠之間庭榜額高懸快觀流丹
之飛閣峰巒環列似效拱揖之形欄檻高明
實表正大之體想像百載之下頓覺水丘之

增輝指點一區之中無非杖履之畱跡所謂
地因人而擅勝况有名與義之相符藏而待
之此正吾黨自強之處道所存也奚翅門人
親炙之時登高自卑空息積累之訓揣本齊
末寧昧輕重之分不但邑人之觀瞻蓋欲文
風之振作茲涓吉日將舉脩榭才實漸於郢
人縱之絕響頌竊效於張老可免後譏拋榭
東茫茫原野四望通圖書左右渾無事時有
床頭一陣風拋榭西坐者殘照下山低傍人
莫道黃昏近透得玄關路不迷拋榭南藹然

和氣蒲松杉元龍百尺空中起月窟天根坐
可揆拋樑北聖人猶有寸陰惜少壯幾時須
讀書窮廬歎息亦何益拋樑上絳水青山看
氣像香火四時瞻拜地青衿濟濟森相向拋
樑下詩書講習無冬夏試看活水源頭來混
混何曾晝夜舍伏願上樑之後儒教丕盛士
趨益端攝齊而前函丈之禮如在詠歸其上
舞雩之風可迎祀事孔明長薦春秋之享賢
才迭出蔚爲邦國之楨

尼山舊院廟宇上樑文
南夢賚

崇厥德不掩爾善既有秉彝之天祭於社其在斯人可無安靈之地有血數間之廟宇幸新四方之瞻矚粵自徐羅舊邦有此義城新府二水分流於前後會于洛江朝于九溟諸山環鎮乎東西起爲金城結爲五土扶輿靈淑之氣亭育豪傑之才當麗祖創業之時有洪術洪儒之武建 聖朝興平之日稱金淳金末之文言功名而固難勝枚語真儒則請姑舍是伏惟松隱金先生情高意逸行安學成用而行舍而藏浮雲富貴八則孝出則悌

餘事文章警言十章箴蓋有得於三綱領八
條目禮戒一片劔亦何害於二鳥賦九辯歌
作模楷於當時樹風聲於來世如今百年之
後猶髣髴於羹墻未作九原之前翫翫其
門戶嗟乎追而莫及是以久而不忘暨惟悔
堂申先生孝友出天踐履實地有日用當行
之證惟孝惟忠而早得依歸之師載欣載悅
生三事一克盡方心之密有知輒行勿失服
膺之訓體先儒精詣之見驗平生篤信之心
人無得以間焉亦有子謇之昆弟吾必謂之

學矣寧無下商之文辭旣作則於惟家可爲
法於斯世惟茲兩賢之出不待半千年期咸
萃一縣之中亦在數十里內夫非上穹之意
於赫間氣之鍾一時之困屯寧論長夜之日
星昭揭準四海而不忒雖舉國可以師宗生
一里而必聞在吾鄉宜益親切想像欣慕之
已久影響聲臭之可尋肆篤崇報之誠乃諏
俎豆之典好是懿德驗人心之攸同樂哉斯
丘覺天作之非偶方伯悉心而綱紀特捐
聖廟之舊材地主殫力於經營首舉賢祠之

新政同聲相應多釋經敦事之青衿咸勸自
來萃承風趨役之白宓徵三代法官之制用
兩下厦屋之規旣工善而材良亦吏勤而力
贍荆榛初闢悅爾山川之改觀日月幾何隆
然棟宇之如政室堂也戶牖也階塾也秩秩
斯干楣度邪楹翼邪廉阿邪噲噲其正控挹
乎奇峰秀岳如見所立之崑崙襟帶乎細流
長川知是有本之混混倣典刑於白鹿天慳
地闕之名區并膾食於文龜異世同符之至
樂倚歟一鄉之盛事美哉百世之宏規抑昔

有聞於先賢言豈耄也請今廣諭於同志聽
無譁兮天之所與我者如何希之則是井而
不及泉則為棄學而後能或高山景行之可
幾在積銖累寸之不息在我而已待人乎哉
請賡呼邪許之歌敢唱兒郎偉之頌拋樑東
仁里 旌閭這箇中從此儻知人子職許君
親見悔堂翁拋樑西雉岳堠峰眼下低雲暗
雨昏渾不管屹然千劫護幽棲拋樑南上有
銅堤下碧潭霜落霧凝元不惡却嫌狂雨打
晴嵐拋樑北夫子宫墻高百尺羣弟長環七

十三也應時來許參席拋樑上霽月光風無
盡藏景物依依道在斯斐然狂簡嗟吾黨拋
樑下柳色青青連縣舍鈴閣時聞宓子琴太
平煙月間多暇伏願上樑之後地孕其秀神
呵不祥惠我光明惟新一代之化爲人矜式
共欽百行之源人無異師奮希賢慕聖之心
王多吉士獻經國匡世之猷

悔堂先生文集卷之三

